

古蹟考第十七

邱坊表  
邱墓

辰州府志十七

知府事吳縣席紹葆宜民輯

萬水千山一邱一壑偶然詠遊遂開橐龠二酉深藏壺頭矍鑠辛女遥遥禹蹟鑿鑿懿茲虎溪比隆泰霍有館有亭有臺有閣一日弦歌千秋欣託其餘壁壘梗頑之藥今古代興勝蹟如昨於萬斯年神明糟粕作古蹟考第十七

沅陵縣

小西山土人名之曰二酉以酉江西溪之所滙因水得名也路徑險絕以繩而上洞左洞內俱有洞深不可

辰州府志

卷十七

古蹟考

一

測外有几席荆州記小西山石穴有書千卷相傳秦人於此學因扃之方輿勝覽小西山在酉溪口昔秦人避地之所善卷張果皆嘗隱居於內左有記崑有石峻嶮突出有水從記崑下如噴雪謂之記崑溪謝鳴謙有遊記

雜采

烏速山今名蟠龍與小酉東西對峙其中凹凸縱袞起伏曲折莫可名狀有亭翼然露於樹杪真仙境也逾烏速之半爲對崑削立數十仞門之上復爲小門遠望之有字大小橫直歷歷可數近睇之無有爲沅陵

近城第一奇觀

補

黔中故城正義曰括地志云黔州故城在辰州沅陵

西二十里江南今黔府亦其地也史記 舊志

西陽城在府城西漢武陵郡有西陽縣治亦謂之西陵

晉因之舊志

馬伏波避暑處在壺頭山武陵記曰此山頭與東海方

壺山相似神仙多所遊集故名壺頭山馬援征蠻營

壺頭蠻乘高守隘水疾舩不得上會暑甚士卒多困

援乃穿岸為室以避炎氣武陵記曰壺頭山邊有石

窟即援所穿室也室內有蛇如百斛船大云是援之

餘靈也各書 補

辰州府志 卷十七 古蹟考 二

企仰亭伏波祠前載明統志今廢邑志

大觀亭在江南伏波祠之左山絕頂萬歷十八年創今

廢邑志

沅陵故縣沅水又東逕沅陵縣北漢故頃侯吳陽之邑

也王莽改曰沅陸縣北枕沅水沅水又東逕縣故治

北移縣治因岡傍阿勢盡川陸臨沅對西二川之交

會也水經注 補

都尉府沅陵北移之後縣之舊治置都尉府水經注 補

潘承明名濬 國吳人故壘承明討五溪蠻營軍所築其城跨

山枕谷在酉口之上沅陵縣北水經注 補

酉口酉水入沅處闕駟謂之受水當春漲黃濁時水自

酉江出者一線獨清水經注 縣志補

寶應明城沅水又逕寶應明城側應明以元嘉初伐蠻所築也水經注補

按數則悉依水經注載之如此其或有或無採而實之以俟後之君子

百曳灘相傳東漢武威將軍劉尚征蠻過此江流湍急

令百人曳舟故名楚南苗志補

丹湍兀和志云崑山下有丹湍昔鄧艾爨丹於山頂落

沅水下今呼丹湍名勝志補

辰州府志 卷十七 古蹟考 三

明月池白壁灣灣狀半月清潭鏡徹上則風籟空傳下

則泉響不斷行者莫不擁楫嬉遊徘徊愛翫詳明月

峰下今又謂之明月滙水經注補

徵君里唐天寶中彭攝雲以逸士徵不出號其里曰徵

君攝雲辰之上溪人漢彭宣之裔也名勝志補

三石澗鼎足均峙秀若削成其側茂林便娟致可玩也

詳夸父山下水經注補

馬希範銅柱在溪州今會 五代史云西接牂牁兩林南

通桂林象郡銅柱高一丈二尺入地六尺上八方下

圓內空重五千觔石晉天福五年楚王馬希範授彭

仕愁溪州刺史五姓歸誠具欸狀敵血求誓希□□  
銅柱界上學士李宏臯爲之記載藝文中舊志

按李宏臯史作李臯落宏字彭仕愁或作仕然或  
作士慙

蓮花池縣西北三十里馬希範之將向元和所浚也形

制宏敞多種蓮花縣志

箭潭在南崑下深不可測有石磯高廣百尺相傳馬援

投矢於潭故名馬援終於壺頭恐是馬殷以後事補

紅字碑在明溪口石壁上刻宋神宗詔章惇察訪湖北

經制蠻事並提刑趙鼎辰州布衣張翹名舊志

辰州府志

卷十七

古蹟考

四

鯨音閣元妙觀中宋建昔傳有鐘自江浮來衆舁至觀  
擊之聲聞百里因建閣度之載廣輿記補

崇文閣舊府學內元時建載明統志邑志

拱辰樓城東隅載明統志久廢邑志

噴玉泉亭縣東南三十里邑志

文昌閣治東初爲觀瀾樓明知府張濂改爲文昌閣補

安遇軒縣東五十里在北溶驛丞署明景泰時御史秦

紘謫北溶驛丞構茅屋三間題曰安遇日讀五經三

史泛江漁釣又於軒前題曰有言不信處困而亨郡

士從之遊日夕講論後□官□書功□□於西陲自

以爲北溶之功也

秦襄毅公年譜補

杖藜塢王文成公自龍場驛歸過辰郡喜郡人士樸茂多近道因留隆興寺彌月與武陵蔣信字道林者往來講論辰州唐愈賢從之遊劉觀時王嘉秀執贄聞者興起後三十年郡丞徐珊爲立祠寺後像祀之門人楊珂題曰虎谿精舍卽公履履所及手題於石曰杖藜塢以文成有杖藜一過虎谿頭之句也補

白沙灘岸橫一石有王文成公手書白沙二字端楷遒勁舟中遠望隱約猶見補

憑虛樓縣西二里明王守仁謫龍場歸過此寓焉庭中

辰州府志

卷十七

古蹟考

五

有古松一株因榜其旁曰松雲軒

省志補

見江軒立於明嘉靖四十四年乙丑郡丞餘姚徐珊爲之記記其師別駕廬陵梁廉講學書院之事楊珂書頗秀潤埋土中百年餘始出虎谿書院舊蹟也外有好景樓友仁堂俱廢補

當仁堂在陽明王先生祠虎谿之上有亭有樓有軒有閣明隆慶四年庚午分守道鄒善欲謀所以倡明先生之教與郡守徐廷綬置講堂六楹翼以號舍繚以垣堵而虎谿增一大觀矣鄒公名之曰當仁向淇有記今非其故補

□□□舊府學大成門外明萬歷十五年文廟左□□  
金之一本因建亭久廢邑志

金華山沅陵諸山此號靈異其下雷洞有泉煮茗極佳  
沿舒溪而進有神營洞六七處布列山之前後其奇  
萬狀不可勝窮詳見山水中補

虎谿書院斷碑詩既穆如字復有法不知萬歷間誰人  
所作題爲奉謁陽明先生像詩云辰西挺高岫其前  
揖千峰中有文成祠廟貌何穹崇懿哉此心性億萬  
人所同先生揭良知於以開羣蒙吾心之精神止此  
九句意尙未半埋土中百餘年乃出至乾隆十八年

辰州府志

卷十七

古蹟考

六

玉屏洪翰林其哲掌教書院傷之作詩刻其陰□往  
蹟難尋蕭寺裏遺規猶憶斷碑中之句補

怡容山城東南峰巒奇秀晴日橫空紫翠重疊足供騷

人韻士之賞名勝志補

石別駕遺愛碑別駕名萬有字涵初滁州人別駕辰州  
五年禦寇安民明崇禎十七年甲申秋遷滇南太守  
鄉官米助國紀之以碑建祠九母殿東留像刊石未  
幾寇變祠燬碑埋土中乾隆二十八年癸未會稽張  
天如攝郡篆得而讀之置諸陳公祠內在九母殿之  
西乃知功德之深舊志所遺至一百二十年始出□

挹涼軒在縣河對面老鴉溪之上杜偕公之別業也杜氏本世家自杜美爲正德孝廉官紳滿室又能植紀立品見稱志乘歷偕公五世矣偕公有女曰小英有二子曰休寧官兆幼而慧偕公延其舅姜伯仁課之以古學順治甲午小英年十餘遇難巧以自全抵漢口作絕命辭十章序一首以油衣裹於胸目沉而死屍至陽邏不去陽邏人爲葬之漸著靈異其詩十章至今聞於天下偕公後三年卒妻姜氏殉節而死補清捷河在辰龍關內五里康熙十九年三月吳逆三桂之僞將駐軍清捷河據辰龍關以守師不得度有土

辰州府志

卷十七

古蹟考

七

人舉火引 王師左右衷之又一路出於清捷河後腹背受敵賊大敗由此長驅黔滇清捷河瑞應

本朝蓋千百年豫定者也補

夜度辰龍關碑康熙四十二年冬月提督關中俞益謨勦撫紅苗夜度辰龍關賦七言律詩刻於壁字殊秀勁屬和雖衆惟江寧謝瑛山陰趙文壁二碑可觀二君皆副將也補

清風亭府署後城上當城之曲西望兩水東顧羣山皆奔走拱揖於前一郡最勝處也補

雲從洞在縣東南二十里明知縣郁成治始闢焉藍水

繞其前舊有雨花菴洞口可鞠躬而入內高三丈廣二丈深十丈四面石壁上纓絡紛垂石質瑩潤狀若奇葩異卉天光相透遊人不待秉燭將盡處曲徑可通旁洞數里補

白霧崑縣東南五十里石屋生成多神仙龍虎之像土人以爲書舍名勝志補

柘溪洞東南九十里山勢連空懸崖壁立其上有風雨雪三石穴前有石池方正澄渟龍蟄其中遇旱祈禱水沸卽雨相連有山生物如蹲鴟人食之不饑名芋山者此也名勝志補

辰州府志

卷十七

古蹟考

八

玉華洞縣西八十里洞內石乳結兩柱一自上而下一自下而上扣之分鐘鼓音石壁纓絡狀如花卉龍蛇最奇者掌形繖形秉燭可辨補

楓子洞離縣一百八十里在界亭驛聶溪內樹木陰翳猿狙所宅洞內有龍潭雲霧嘗覆其上歲旱祈雨甚驗山與聖人峰相聯補

映江閣在龍泉山可坐一人僧悅可於此獨坐九年未曾下閣今僧塚卽在其右補

高崖百仞兀立山頂平約半畝上有廟自山麓盤旋至頂路窄僅容一人東望小桃源西望界亭補



□坑土人謂之天心坑與鳳凰廳同深不可測下多水流鳳凰則棄之沅陵則隨其高下而田之湖南邊境最怪之處外間所少也補

鑑溪卽今乾溪劉禹錫經此鑑水沐髮後好事者碑之災於水辰谿余明經子錦有鑑溪二洞詩補

附坊表

元

至順元年辰州萬戶圖格里不花母石抹氏以志節旌

其門文宗本紀

明

辰州府志

卷十七

附坊表

九

正德己卯武舉張四維妻芮氏貞節坊

指揮吳勳次室祝氏烈婦坊 生員潘耀卿妻賈氏烈

婦坊 辰州衛指揮舍人王泰妻張妙貞貞婦坊

本朝

廖縉妻尹氏貞節坊 舒愁聘妻余氏貞女坊 李維

屏妻郭氏九十歲節壽坊 姜文煥妻張氏貞節坊

雍正間龔世遠孝子坊 生員吳應兆妻韓氏貞

節坊 吳應元妻黃氏貞節坊 吏員李國儒妻姜

氏貞節坊 乾隆初吏員晉啓祥孝子坊 陳大用

妻程氏貞節坊 乾隆初庠生毛國芳孝子坊 鄒

啓璵妻印氏貞節坊 李開膺妻鄧氏貞節坊 姚

明天妻周氏貞節坊 庠生陳上表妻戴氏貞節坊

常尚勲妻王氏壽九十一歲節壽坊 張士奇妻

蕭氏貞烈坊 張德旋妻楊氏貞烈坊 朱大國妻

李氏貞節坊 劉子賢妻向氏貞節坊 顏國輝妻

李氏貞節坊 張琬妻唐氏偕媳張士倬妻鄧氏雙

節坊 熊容生妻梁氏苦節坊 庠生冉峻德妻張

氏貞節坊 龔景孳妻彭氏貞節坊 向淞之妻唐

氏偕媳向廷梓妻唐氏雙節坊 晉之綱妻張氏貞

節坊 袁世茂妻陳氏貞節坊 劉星祖妻張氏撫  
憲旌獎

辰州府志

卷十七

附坊表

十

邱墓

明

辰州知府馮惟德墓在北門外栢子嶺惟德洪武中知

府卒葬於此子孫家焉今沅陵黔陽皆其裔也

沅陵知縣陞辰州府同知廬陵劉叔恣墓在 叔

恣率邑民建北京宮殿遂卒沅陵人舁以歸葬當萬

歷中吳別駕瑞登求之不得其詳矣

正統甲子舉人戶部郎中杜美墓在蜈蚣山

徐玉龍妻烈婦張戊貞墓在桃花崑羅倫有桃花崑行

見藝文

□乙丑進士雲南按察司僉事潘棠墓在桃溪□□  
山

嘉靖廩監寶應縣丞九十壽杜仲簧墓在鹿溪

嘉靖乙酉舉人王瑜墓在牙齦穴

嘉靖壬辰進士茂威兵備副使胡鰲墓在長田鋪

嘉靖戊戌進士思州府知府袁鳳鳴墓在烏速叢山坡

### 劉家山

生員潘耀卿妻旌表烈婦賈氏同葬城北尹家山

辰州衛指揮同知征倭殉難贈都督同知王夢麟墓在

### 黃草尾雙橋

辰州府志

卷十七

附邱墓

十一

按夢麟死於江南抱其首而歸葬者僕喜兒也

嘉靖戊戌進士六安州知州姚璋墓在虎谿山

選貢固原州陞知府攝副使道李之喬墓在黃土田

嘉靖乙卯舉人鄉賢戴廷憲墓在楊溪

萬歷丁丑進士四川布政張文耀墓在清水鋪

萬歷癸卯舉人鄉賢傅伊墓在藍溪

萬歷己未進士戶科給事中張士升墓在虎谿山

文學杜逢年墓在大教場

天啓甲子舉人王大受墓在駱駝潭

天啓壬戌進士杜羲年墓在金□釣葫蘆山

孝子廖尚選墓在上沙溪

崇禎選貢寧德知縣杜衍旂墓在長田燕子衝

廩生杜衍旂偕妻烈婦姜氏墓在長田攢子山才烈女

杜小英之父母

按湖南省志邱墓沅陵縣載明楊茂墓在縣南七里遍考沅陵不知爲誰唯辰谿明貢生內有靖江縣主簿楊茂耳未知是否

本朝

兵備道中軍守備陣亡瞿應頡墓在瀘溪密登

烈婦龍顏近妻陳氏墓在北河江邊

辰州府志

卷十七

附邱墓

十二

烈女曹祐元妻張氏墓在歐家壩

才烈女杜小英墓在漢陽府黃陂縣陽邏大士閣小英

盡節自溺漢口有絕命詞十首

奉天廣寧遲公子維型偕妻烈婦馬氏墓在三崕寺左

太守遲端之次媳墓前有坊郡人公建後有碑翰林

楊超曾撰墓地直長十丈橫寬四丈九尺

賢烈婦羅廷梅妻周氏墓在虎谿山

乾隆歲貢謝純臣墓在黃土田

### 瀘溪縣

辛女崑邑西三十里危峰高聳有石屹立如人相傳高

辛氏之女於此化爲石漢書紀之見乾州武山下邑

中若辛女崑辛女溪皆本於此

邑志

仙人屋由邑城達浦市沿江絕壁間架木爲屋層疊若

樓人皆呼爲仙人屋其實避亂者所構也世久年遠

出竇蕪塞矣陳鴻圖詩何處逃亡屋崎嶇石隙稠形

危同累卵影幻似蜃樓探徑猿猴懼處堂燕雀憂傷

心離亂事涕淚付中流

邑志雜記

### 辰州府志

#### 卷十七

古蹟考

十三

沉香船又名海舟在桐木凹不知年代陡崖半壁船架

其間至今不朽

邑志

玉田縣東十五里玉田洞內左側石板上如小田形千

餘土人以石田燥濕占歲之豐凶頗驗

邑志

望夫石縣西十五里石鼓潭山上有石屹然如人人謂

之望夫石明邑人李樂有句云雲鬢不梳新樣髻

眉常帶舊時春

邑志雜記

盧溪舊縣在洗溪口今呼縣場坪宋靖康之亂玃狔乘

隙焚劫後徙治於沅陵之江口

舊志

東洲書院在武口洲土宋紹興九年安福王廷珪被

流辰州寓居於此邑士多從之遊邑令爲建書院今廢邑志

柳潭在縣西明舉人陳源清於此遇仙指示隱處今釣

磯尚存邑志

觀瀾亭在武溪上今廢見明人蔣信詩邑志

鹿泉縣東南四十里鹿兒崑明太僕卿李樂讀書處因

自號曰鹿泉邑志

神石在權峰之右隅長三尺許與峰相顧隱見不常有人置茲石於水底旦仍見於故處邑人神之邑志

白龍崖在江岸石壁色白似龍作冲舉勢舟中望之栩

辰州府志 卷十七 古蹟考 十四

栩欲動補

蘭泉縣南二十里飛泉直下如練其下有洞水入之則琤琤有聲味甚清馥故名蘭泉補

水月崑在蘭泉左幽敞清虛狀如水中新月崑中可坐多人太守徐楚泐名於石補

秀才陀縣西北十里雲頭山麓也入自崖門數里山勢壁立石逕崎仄上有雙石如闕盤旋數折而上寬廣

可容千人補

崖門在大溪口左右高峻如門積雪初霽潔映林木風

景最佳補

小紅崑屋在白土溪內耕牧者常於此避風雨補

大紅崑屋較之小者容人更廣補

女仙洞天橋山下洞深常有霧氣樵者偶然見之如有意則終不見矣補

懷遠樓城西北隅明知縣吳一本建今廢色志

迎恩樓縣察院前明萬歷八年典史趙仁綰建邑志

日省軒明萬歷十一年知縣吳一本建在縣署中今改

作後堂邑志

望台樓在縣治後知縣吳一本建邑志

龍吟閣在學宮左有三層下層爲署令周鳴永懷祠雍

辰州府志 古蹟考 卷十七 十五

正十年以形家言轉學宮向宜去其閣知縣張宏烈毀之邑志

三嵎寺在浦溪宋嘉定初建後因洪水傾頽遷江東岸

易爲浦峰禪寺邑志

青雲閣縣治北阜邑人石廷舉讀書處也旁有精舍歲久圯基尚存邑志

桂園在權峰下邑人李昕闢址居此以習靜旁植桂數

十株今呼花園坪邑志

會仙橋縣對河邑人石鼎遇仙處邑志

附坊表

明

永樂戊子舉人譚鎮獨步雲衢坊 永樂丁酉舉人陳源清藝林拔萃坊 宣德壬子舉人石鼎景泰癸酉舉人石悅山父子聯芳坊 宏治壬子舉人李廷鸞李廷鵬連翼坊 正德庠生鄧顯芳孝子坊 嘉靖戊子舉人李樂李棟世科高第坊 嘉靖辛卯舉人牛鳳顛俊坊 嘉靖乙未進士李樂名世清卿坊 嘉靖戊戌進士李棟天官風憲坊 誥贈北京吏部員外郎李廷鶴天官大夫坊 萬歷癸酉舉人石珮蜚英坊 萬歷己卯舉人王家瑞攀桂坊 萬歷甲辰進士石廷舉世科坊 雲南副使李棟側室張氏旌節坊 崇禎庚午舉人李沛然青雲接武坊 崇禎辛未進士楊卓然進士坊 崇禎癸酉舉人李象珠登雲坊

本朝

廩生李枝奐妻張氏偕弟婦庠生李枝英妻張氏庠生李枝衍妻龔氏庠生李枝永妻楊氏庠生李枝晟妻劉氏一門五節坊 雍正增生張齊歐孝友坊 雍正優貢生李陟公孝繼節芳坊 石祚煥妻張氏偕弟婦石祚煜妻文氏一門雙節坊 乾隆庠生楊鴻

辰州府志

卷十七

附坊表

十六



謙孝子坊 庠生龔錫球妻糜氏貞節坊 李文命  
妻黃氏貞節坊 譚世揆妻羅氏貞節坊 劉文明  
妻鄧氏貞節坊 庠生文炳國妻蔡氏貞節坊 胡  
啓科妻李氏貞節坊 唐宣學妻吳氏貞節坊 周  
之緒妻陳氏貞節坊 監生宋文標妻熊氏貞節坊  
張君愛百有六歲坊 龔錫侯妻楊氏撫憲旌獎  
邱墓

元

盧溪教諭南昌陳秀墓在曾家山

明

辰州府志

卷十七

附邱墓

十七

直隸桃源知縣封南京文選司郎中李廷鵬墓在上保  
太僕寺卿李樂墓在中寨下

雲南副使李棟墓在小船溪

孝子鄧顯芳墓在香坡正德五年本縣給官銀安葬隆  
慶年間唐按院令縣動支官銀重加修砌

簡縣教諭石鼎墓在武口東洲尾

山東滋陽縣訓導石悅山墓在洞底長坡

福建鹽運都轉使司石廷舉墓在江南眠犬

柳州府訓導石仲琦墓在高家坡

河南永城縣知縣張廷輔浙江温州府教授張天綸□

士張天維墓在沅陵小龍溪

潼川州知州文尚錦墓在大龍溪口

石屏州知州楊日安墓在沅陵舊村

新建訓導楊世紀墓在大墓岡

隨州學正李蒞墓在江東

廣東韶州府經歷張早墓在牛形地

貴州思南府推官李盜然墓在大李溪

國朝

烈婦唐世隆妻張氏墓在四都官田坪

嘉魚縣訓導李象珍墓在沅陵砂井

辰州府志

卷十七

附邱墓

十八

孝子張齊歐墓在澎溪

孝子李陟公墓在覆釜

孝子楊鴻謙墓在書房園

麻陽縣教諭李治墓在龔家坡

義塚一在縣江東之上 一在墓岡衝 一在舊教場坪

辰谿縣

大西山縣南十里自銅仁萬山來至當縣西向結爲犬

山山下有洞深廣高二丈餘其旁如城虛明平坦經

煉藥穴有舊藏書石筍倒垂泉若雷轟奇形怪狀莫

可名悉廣輿記云穴生雲母崖滴丹砂第二十六洞

天也 名勝志

藏書室在大酉洞中相傳爲秦人藏書室或云穆大子明正統時有樵夫入石室見書報縣取之應手滅梁湘東王繹賦云訪西陽之逸興唐詩云二酉搜求秘檢疎謂此也 邑志

按周秦以上書皆木頭竹簡所云樵夫見書之說皆夢中說藝語耳

木洲中有大石自江心突出形若小山雖歷汪洋永無瀾漫洵可居之地也後改名爲中洲 名勝志

丹池在大酉山相傳果老煉丹處每星月之夕時有紫

辰州府志

卷十七

古蹟考

十九

氣燭天 邑志

爐坡菴縣東二十里善卷往來處卽香爐峰峭壁天成矗立雲表 補

仙靈山在縣東南一百二十里石壁巉巖景概幽絕舊傳神仙所居 名勝志

洗砂橋在大酉洞前相傳羣仙洗丹砂於此水面時有紅光 品志

會仙橋縣南五里相傳大酉羣仙會宴於此 邑志  
熊首山縣北里許其峰突出宛如熊首 名勝志

錦巖洞泛舟城西遊於石壁之下二里許得異口離水

數十步髣髴若有光初狹纔通人復行數步豁然開  
朗明末鍾良翰得而居之有詩存藝文

五城山楚威王遣將莊躋定黔中因山造城今尚有遺

跡廣輿記補

辰陽舊縣在辰水之陽辰水逕其北故以名焉楚詞所  
謂夕宿辰陽者也王莽更名會真矣漢地理志辰水

又右會沅水名爲辰溪口水經注補

巫陽城在縣治北卽漢之武陽邑志

劉尚城在縣東南五里漢建武中武陵蠻叛遣尚討之

因築城屯此邑志

辰州府志 **卷十七** 古蹟考 二十

楚南苗記按劉尚全軍覆沒似未至此

靈州城在縣治北邑志

時住山相傳諸葛亮行師住此時字卽師字之訛名勝志

建昌廢縣在縣北梁置陳廢邑志

龍門澗接麻陽界崑石峻峭澗流深長乃龍窟也廣輿記補

瞿童井在縣南六十里瞿家寨井深數百仞瞿栢庭幼

時戲躍入井後自大酉山妙華洞出依善卷修道久

之仙去明統志補

蹄泉在熊首山頂其形寬五寸深八寸常有水泉枯

旱不涸四季如一補

桂泉北城下有一洞深邃洞外一池積水常滿上有桂花覆之名桂泉合邑汲飲補

龍陽山翠嶺嵌巖高插雲表山巔古寺相傳明建文皇帝遯蹟過此書有雲中帝闕四字補

太和堂手蹟有湛甘泉酉山銘王陽明詩郭青螺詩俱刻其手蹟於屏後之好事者賞焉邑志

鐘鼓洞在龜山石壁峭立進數十步有二石懸其中扣之作鐘鼓聲新建伯王守仁口見說水南多異迹崖頭時有鼓鐘聲空餘峭壁千年在未信丹砂九轉成遠地星辰聯北斗虛窻明淨坐深更年來夷險渾

辰州府志

卷十七

古蹟考

二十一

忘却始覺羊腸路亦平

邑志

鄧子龍手書詩在真武殿詩詳藝文中補

天星池長一百丈濶半之星殞成池補

鏡崑崑上有三鏡照人物朗然若畫下有池若銅盆深廣約七八尺世傳神仙遺蹟補

仙門洞水自鳳凰山出其石屹立流一百里入於仙門洞其石竇如城環踞水勢洶湧入竇中伏流不見約一里許復出於洞後補

仙靈澗在仙靈山下清冽有瘡疾者澡之即愈補

丹山洞寺居崖半屋若鳥巢飛練下垂浮槎始達誠異

境也 補

仙人洞在丹山洞西有沉香尺半藏坎內半露坎外陰  
雨卽縮入二尺許清明如故俗呼魯班尺蓋仙蹟云  
補

錦崑塔城西五里明萬歷三十九年知縣曹行健建 省

志

縣署橘亭明萬歷四十五年知縣曹行健建爲政暇吟  
咏之所清明則山川朗麗雪霧則宇宙瀾漫可稱奇  
境 補

可嘉亭曹行健子履吉省親讀書故以名亭蓋取楚騷

辰州府志

卷十七

古蹟考

二十二

橘頌而詩人以嘉樂名父母意也履吉有詩云千家  
城郭占山形清署堪傳關令經獨枕熊頭鄰太白時  
邀鶴露伴樵青幾株秋樹高於屋一邑春臺共此亭  
更喜楚天初定省薰風政爾快趨庭兵燹後廢 補

椒溪縣東五十里詩人米梁若肇灝爲明御史助國第  
三子愛其山峰孤秀溪水環繞如帶構月小齋其中  
作歸我椒溪四言七章存藝文中 補

衙內古桂一株衙基本高五丈餘書房額曰最高處宅  
後桂一株約高三丈花陰周四十餘步微雨不漏秋  
深花放清香襲人左有青桐身高五丈許風滴葉露

疏越有琴音 補

葡萄洞在縣西一里挂壁濱江冬溫夏涼讀書其中是  
可樂也 補

按縣志作蓮花洞誤甚

附坊表

明

廩生歐陽栢妻唐氏完節坊 增生舒宏謨妻鄧氏節  
烈坊 天啓乙丑進士米助國蘭堦挺秀坊

本朝

劉虔妻朱氏貞節坊 李自瓊妻劉氏節壽坊 廩生

辰州府志

卷十七

附坊表

二十三

米云苾妻朱氏偕媳米有道 繼室 姚氏雙節坊 麻昌

榮妻唐氏貞婦坊 麻昌祐妻潘氏貞節坊

邱墓

唐虞

善卷先生墓在大西山之九峰嶺宋祥符間勅禁樵採  
相傳有人竊發其塚鐵厚尺許天氣昏晦雷雨交作  
遂莫敢犯

宋

陳崇政羽化墓在龜山宋政和甲午二月十一日委口  
龜山有羽化墓記

明

永樂戊子舉人延平府同知祀鄉賢李景誠墓

永樂太學生薦拜監察御史唐原墓在巖底

永樂太學生刑部郎中唐璉墓在崑旁園

明經興化縣令祀鄉賢余顯宗墓在皜潭

明經廣西桂林別駕米潔墓在板溪口

嘉靖選貢吳縣令劉仲顏墓在鶯崑寨

萬歷甲午舉人雲南彌勒州知州靖江王府長史米萬

鍾墓在龍潭頭高盤嶺

明經巴縣令祀鄉賢余永鸞墓在大西觀旁

辰州府志

卷十七

古蹟考

二十四

萬歷己未進士長興鄆城知縣祀鄉賢余子翼墓在龍

盤溪

天啟乙丑進士山西監察御史兼督學政米助國墓在

龍潭頭高盤嶺

天啟乙丑進士分守寧紹道轉山東布政司右叅政漕

儲道余鷗翔墓在龍盤溪

選貢貴州銅仁知府遷安順道米肇頤墓在上洋溪

四川松潘鎮總兵盡節朱化龍墓在四川嘉定州

本朝

詩人椒溪處士米肇灝墓在上洋溪



明舉人米元倜墓在龍潭頭高盤嶺

拔貢余標墓在潭灣

康熙甲辰進士劉恂墓在柳堤衝

明經劉澤長墓在九崑下彭家灣

明經余子錦墓在青岡山

雍正庚戌進士白河知縣唐效堯墓在聰明水

溆浦縣

盧峰綿亘八十餘里唐虞時善卷隱此所謂朝遊盧峰  
暮宿大酉者也峰頂一菴鐵瓦覆之菴側有善卷奕  
處又有盧真人丹竈山腰有新洞飛泉洞山麓洗衣

辰州府志

卷十七

古蹟考

二十五

澗龍津皆奇勝

聖人峰高可二十餘里綿亘數十里爲宮爲霍或獨或  
羣俱巉崑可愕泉味峻厲使陸羽品之未知堪入茶  
經否也相傳神禹登此望洞庭故名

龍馬石石壁百數十仞石上印馬蹄相傳禹疏序水至  
此有龍馬自江中出禹乘之去

招屈亭離騷涉江云乘舸船余上沅兮齊吳榜以擊汰  
船容與而不進兮淹回水而凝滯朝發枉渚兮夕宿  
辰陽苟余心其端直兮雖僻遠之何傷入溆浦余儻  
徊兮迷不知吾之所如然則辰陽溆浦因屈大夫所

遊歷之地而沅曰上淑曰入水勢確不可易淑有招  
屈亭不可謂之傅會也又吐錢崑上有紋如羽扇狀  
相傳屈原經宿所畫今招屈亭雖甚暑亦清涼而無  
蚊蚋

昭王寨古獠地相傳秦昭襄王使司馬錯伐蜀因攻楚  
黔中耀兵至此

義陵故縣在今縣南二里龍堆隴下晉潘京曰義陵在  
辰陽縣界與獠相接爲所攻破光武時移東出遂得  
見全晉史

諸葛城在縣南一百二十里龍潭司後義陵縣城劉備

辰州府志

卷十七

古蹟考

二十六

之姊歸出焉五谿綏撫蠻夷亮率諸蠻所築也

水經注

淑浦志原按水經江水又東過姊歸縣之南註曰  
縣城東北依山卽阪南臨大江古老相傳謂之劉  
備城蓋備征吳所築也是姊歸有兩城矣宜都記  
口姊歸蓋楚子熊繹之始國而屈原之鄉里也袁  
崧曰屈原有賢姊聞原放逐亦來歸諭令自寬鄉  
人冀其見從因名曰姊歸然則義陵之姊歸何所  
取義乎酈道元曰古人許以傳疑聊書所聞耳不  
必盡信也

車靈故城在縣南一里靈吳之叛臣入淑浦以自保號

曰車王後爲吳將鍾離牧討殺之元和志

鄜梁山漢書鄜音敷梁山序水所出西入沅今序水發源

縣西南流逕古義陵縣與水經注合補

盧城在縣南二里

紅旗山高數百丈脊平曠名勝志五代時馬希範遣將

收武陵蠻見山上隱隱有紅旗遂駐兵其上一統志

桃谷唐時有道人種桃谷中今名桃花圃

雲洞呂嵒遊此題詩石壁

觀音池在靈山東麓楠木洞里許從時而明過池溪口

伏流壁間石筍倒垂復半里許有七娘池北折數十

辰州府志 古蹟考 卷十七 二十七

步溪見如故稍前益開朗豁然仰見日月上卽天星

塘行數百步有九娘池怪石欲落有善泅者渡水燭

之楠木羅列香氣襲人

景星觀鶴鳴山麓宋天聖七年建崇寧五年賜今額

白霧山山高聳頂寬平陰則霧氣彌空晴則峰巒歷歷

宋時置白霧驛辰州刺史陶弼有詩載藝文

撻龍潭相傳乾道間大水有龍過此爲崩嵒撻龍死事

聞民受累知州舒裳奏免其事補

按陶令淑浦雜記中載舒裳或以爲明吏部尚書

或以爲南京大理或以爲撫州知府謂其不經良

然其實舒裳乃南宋紹興間人爲大理評事知辰州者也

匡門石壁刻字云雲蘿主人舒巡檢兄弟四人開砌此路經月餘畢工時延祐四年歲次丁巳六月吉日記蓋元仁宗在位之六年也此石刻之最古者

明月橋明邑紳荆政芳故里夾溪植桂清秋夜月桂影扶蘇

觀蓮亭舊有寺池產白蓮寺廢蓮不開成化中居民卽寺址構亭曰觀蓮蓮不植而花開如故

菩提寺有羅漢松一株大逾合抱高可百尺蓋千餘年

辰州府志

卷十七

古蹟考

二十八

物寺鐘欵識皆明嘉靖舊曰廻龍邑令陶金諧更今名

洛陽城明萬歷時知縣楊萃另築洛陽城於西門外萃洛陽人也故城以洛陽名明季兵燹故址猶存洛陽修然後邑可守

泥溪衝碑不知建於何時碑面字多殘闕不可識其陰有八字云崇禎四年地皮轉動

補

永興塔萬歷甲寅建浮屠七級上有樹數株四時葱翠康熙壬辰下級忽裂二寸久復自合見者驚異

機杼崑一名觀音寨天陰雨則崑內時作機杼聲

鳳凰坡上有古菴相傳頓氏女仙修煉處鳳凰來集  
飼鶴田明柳仙居此田其飼鶴處也有憇鶴亭又有黃  
鶴菴後人因以名其山

龍舌菴縣東三十里龜蛇兩山對峙春暖時二山會合  
江水盡赤建菴以鎮之明季兵毀會合如故

仙人橋在黑崖兩崖相合高百仞寬數丈仰視天色劃  
然如線崖半有橋橋中有石墩石榻壁間幽蘭叢生  
盛夏可避暑

通真宮在靈萃山山麓有巨石爲淑江砥柱名鷹渚昔  
構宮時掘地得石毬大如斗衆異之以爲靈瑞

辰州府志

卷十七

古蹟考

二十九

詩住山空洞玲瓏每風月清朗輒聞吟咏聲

一統志

中華山孤峰秀出左鐘右鼓宛如鑄成

兩丫峰高二十里修三十里雙崖礙日中開一門峰峰  
爭勝各不相讓如黃池之盟吳晉爭長

闌干峰高十里昔有牧童見兩人對奕歸以語人再往  
惟二石存

月山石壁如削高十餘丈形如半月上有閣亦以月名  
仙葬山石洞中有棺長丈許土人因名鬼葬山湖南通  
志易之曰仙葬

明都山高六十仞絕頂有池周八畝水深不測旁列口

石皆虎蹲獅立月明之夜其水清澈可鑑

七眼洞石壁間有七穴團圓如月泉水湧出旁有門內寬若堂堂中有石几石榻石秤取水禱雨立至後爲禱雨者所污忽震電封其門

飛瀑洞石壁峭立高數百仞上有木敖洞飛瀑如匹練通仙里中爲通仙洞石柱林立有巨石中懸如佛子又有石牀石臺

署中古桂扶蘇夭矯蓋數百年物乾隆戊寅秋陶令金諧效虞伯生體作問桂詩和者數人未幾散去因歎物之無情者常聚有情者必散然蹟雖散而神固未

辰州府志

卷十七

古蹟考

三十

嘗不遊於交柯接葉中也

簑衣洞禱雨有龜浮出置器中祝之輒得雨以銀牌繫其甲送入序江卽仍歸洞中前令呂憲曾禱龜出銀牌宛在取歸大雨三日

百強寨有樵子至山巔見數石人博奕飲酒逐之盡獲今存其一奉爲神

大潭雍正七年大旱鄉人車水潭竭有石刻云雍正七年車水至此

瓏玲灘在序江中夜鳴晝止初晴則小鳴久晴則大鳴陰雨則否秋江月夜水天一色泉聲令冷苦宮商□

令陶金諧有詩曰月出泉山靜空江秋氣深瓏玲灘  
上水如聽穎師琴

甘雨樓舊名達觀乾隆壬午陶令金諧能貧其官有惠  
於民撤而新之樓成時雨霽然山長楊鴻觀名之曰  
甘雨瀘溪令顧奎光爲文記之兩人皆廉吏也其言  
曰愚矣哉適齋之爲吏也然愚如適齋始可言政矣  
適齋治淑八年獄訟清簡民庶大和甘雨之爲令來  
固也

西湖在西城外可資灌溉邑令陶金諧詩曰滄波一勺  
傍菰蘆裊裊秋烟淡欲無莫厭蠻鄉風味少東坡元

辰州府志

卷十七

古蹟考

三十一

合住西湖

文蔚山盧峰書院主山諸峰環繞雙江襟帶邑中勝地  
也山上有池旱不竭書院山長金匱楊鴻觀因命山  
以今名而字池曰豹池

附坊表

明

謝一論聘妻陳氏貞女坊 唐世臣妻彭氏偕媳唐廷  
芳妻張氏雙節坊

本朝

向俊民聘妻張氏貞女坊 左之玉妻孫氏百有三歲

坊 舒爾傑妻鄧氏貞節坊 梁建基妻吳氏貞節

坊 項勝先妻向氏偕媳府庠生項琦妻彭氏雙節  
坊

邱墓

元

義士向良嗣墓在仙人掌杉木坪

明

洪武進士監察御史祀鄉賢夏銘善墓在清潭壟

永樂進士山東學政交趾僉事祀鄉賢荆政芳墓在仲

夏鄉仙鵝形

辰州府志

卷十七

附坊表

三十二

九代同居黃奉翠墓在

義士覃希淳墓在盧家橋

石公子墓在營盤山總兵石邦憲以軍法戮子葬此知

縣陶金諧弔以詩曰將軍捐愛子歸骨此山岡不復

稱家督翻令弔國殤關山紛雨雪陵谷慨興亡向晚

悲風起蕭蕭古戰場

萬歷進士雲南布政使祀鄉賢鄧啓愚墓在文佳堂

叅將向文義墓在鳳凰廳五寨洞口

富順訓導李昌墓在青口溪雲南巡按門人劉之隆過

淑浦立碑而去



萬歷舉人處州府同知加僉事舒自志墓在鳴鳳溪  
萬歷舉人禮部郎中督餉死事贈禮部侍郎舒高崑墓  
在金鞍山

崇禎拔貢九江府同知兵備僉事張士亨墓在思蒙花  
園

本朝

康熙丙子□人江西新城知縣□□墓在羅家山  
溆浦知縣雲南王宏曾墓在寺山□生舒雁爲勒碑  
義婦冢全州知州舒繼周之女舒□□也墓在桃谷  
烈女張敬芳墓在桶溪桃子衝乾□□午邑令陶金諧

辰州府志

卷十七

附邱墓

三十三

表其墓

義冢

- 一在學宮後桃谷口
- 一在城東和蟠衝
- 一在芑家橋

乾州廳

武山城西十二里後漢書云高辛氏有犬戎之寇帝患  
其侵暴而征伐不克乃訪募天下有能得犬戎之將  
吳將軍頭者購黃金千鎰邑萬家又妻以少女時帝  
有畜狗其毛五采名曰槃瓠下令之後□□遂御人

頭造闕下羣臣怪而診之乃吳將軍首也帝大喜而計槃瓠不可妻以女又無封爵之道議欲有報而未知所宜女聞之以爲帝王下令不可違信帝不得已乃以女配槃瓠瓠得女負而走入南山止石室中所處險絕人跡不至原註今辰州盧溪縣西有武山於是女乃解去衣裳爲僕鑿之結獨力之衣原註僕鑿獨力皆未詳結音髻帝悲思之遣使尋求輒遇風雨震晦使者不得進經三年生子一十二人六男六女槃瓠死後因自相夫妻織績木皮染以草實好五色衣服裁製皆有尾形其母後歸以狀白帝於是使迎置諸子衣裳斑斕言語侏離

好入山壑不樂平曠帝順共意賜以名山廣澤其後滋蔓號曰蠻獠外癡內黠安土重舊以先父有功母帝之女田作賈販無關梁符傳租稅之賦有邑君長皆賜印綬冠用獺皮名渠帥曰精夫相呼曰媿徒今長沙武陵蠻是也黃閔武陵記曰山高可萬仞山半有槃瓠石室可容數萬人中有石牀有槃瓠行蹟宋羅泌明侯加地皆作槃瓠辨詳藝文中

邊牆築白明萬歷間上自王會營下至鎮溪所繞水登山三百餘里天啓間自鎮溪至喜鵲營添築六十里堵禦紅苗恃爲金湯今塌

鴉溪城東北五里竹玉祠在焉於蠻疆稱巍峩白雲爲  
藩籬青山爲屏風一水灣環作碧琉璃色數家茆屋  
掩映竹樹中頗有林泉之趣

魚井出城西十二里石窟中潭影鑑人鬢眉皆綠遊鱗  
潛躍吞吐穴間漣漪曲折縈繞山足讀孟襄陽水流  
青嶂合雲渡綠溪陰悠然有會

仙嶺在城北三里許屹立如屏當其宿雨初霽朝暎欲  
赤殘雪滿山瀾漫飄蕩如雲如烟如絮如綿如疊浪  
層波隨風卷舒變幻難狀對之心胸若搖

溪舟山在鎮溪千戶所東北山形橫聳如舟下有崑洞

辰州府志

卷十七

古蹟考

三十五

出水成溪故名

名勝志

天門峰與桂嶺相對高峰峭絕豁舒中斷上有天梯千  
疊儼如砌玉

楷樹在城北三十里楷樹本生於孔子冢其榦枝疎而  
不屈今乾州獨有此一株大四五十圍高五六丈樹  
根出泉名曰楷泉大旱不竭

寅龍峰城西四十里層巒疊翠峯嶺排空有武林飛來  
之致

清江洞由武溪達盧水險灘鱗次而清江洞爲最故以  
清江洞河爲名灘高數丈犬牙互錯水凡四疊怒濤

噴雪聲若殷雷對面不聞人語覺禹門三級尚在平地

太虛洞天一名乾洞在小溪庵北靈竇天然鐘乳倒懸纍纍落落融結如珠洞口桃花不減仙源若使劉子驥見之定欲作問津想

仙人峰城北二十五里一峰峭立有仙子凌虛之狀

羅漢山城西北十五里如兩羅漢一則挺然獨立一則鞠躬相向

附坊表

本朝

辰州府志

卷十七

附坊表

三十六

熊啓祥妻周氏貞烈坊 張應熙妻熊氏貞節坊 孫

子朝妻葛氏貞節坊 金先煌妻羅氏貞節坊

邱墓

義冢

鳳凰廳

渭陽廢縣在鳳凰營東南唐武后垂拱二年析麻陽縣置一統志渭陽廢城在廳西南四十里明末威武侯向登位駐兵增擴一層顏曰鴨浪營城郭亭臺遺址猶有存者

按鳳凰營與鳳凰廳相距四五十里鴨浪營又近

十分之一

詔諭廢縣在城東南舊在麻陽東北唐武后垂拱二年  
析辰州盧溪縣置唐末爲羣蠻所據而廢宋太宗興  
國七年復置招諭縣神宗熙寧八年廢招諭入麻陽  
故城與麻陽盧溪接界鳳凰廳未闢以前皆二邑境  
一也

大坑城西北所在有之窅深莫測以繫石探之百丈不  
能至底間有淺者則水流其中俯聽琮琤有聲牛馬  
多跌倒焉故又名陷坑

甲冑田城北十里奇梁洞前相傳宋楊氏兄弟三人統

辰州府志

卷十七

古蹟考

三十七

三十六人殲盜魁何車殺賊兵九千甲冑山積埋之  
以志功云

芙蓉臺城南五里虎尾峰側冬月草枯石壁上間見大  
字尺餘蒼虬古駁春夏則茂草密蔓無徑可登不知  
何人遊憩之所自古及今歌管樓臺埋滅於荒烟蔓  
草者何限豈第宋臺日落白楊悲風愁殺行人已耶  
石羊洞城東二十里昔有種菽者屢爲羣羊所食逐之  
奔入石罅隨以入內漸濶行里許忽見綠溪修篁宮  
闕丹碧一老人銀鬢鶴氅坐臯比講易左右侍聽口  
十人內一少年執經請業種菽者問爲誰童子曰中

□者河上公少年乃王弼也後出失所在麻陽知縣  
陳五典有詩記其事

飛來鐘城南二里東岳廟內百人不能舉今失其處  
雙橋東關外二橋相距數丈建自元明稱大橋小橋  
土司故城箠子坪長官司城東北七十里明太祖甲辰  
年置元帥府永樂三年改長官司其城有二一在山  
巔一在小麓今廢五寨長官司卽今廳治明時俱屬  
保靖宣慰  
五寨者曰朱沱曰烏引曰蘆荻曰杜望曰白崖合之爲  
五寨司

辰州府志

卷十七

古蹟考

三十八

池河營城北四十里苗巢中永樂時建以控置蠻苗宣  
德年議裁

大臘耳山城北六十里在永綏之南西則貴州萬峰叢  
錯界連二省最大者高十里明宣德時兗苗負固總  
兵蕭授招降之

小臘耳山相離不遠險阻亦同

營哨舊壘直穿苗寨捍蔽人民自嘉靖三十一年立十  
三哨堡隨添隨裁星布四周其中洞口箠子栗木清  
水杜壤水田龍首十七處屬本廳乾州灣溪強虎鎮  
溪四處屬乾州廳石羊小坡長安銅信水塘七處屬

麻陽縣今或存或否記其名存其蹟可也

邊牆萬歷四十三年辰沅兵備蔡復一築自亭子關起至鎮溪所止組山織水三百餘里高八尺厚五尺費公帑四萬三千有奇今塌天啓間兵備胡一鴻遊擊鄧祖禹復築六十餘里在乾州境內

西樓山南樓山城南三十二里明季設守備城基教場猶存二山之間立樓以望因有西樓南樓之目干霄聳翠可以奪目

大天星寨城北四十里高約千仞雙峰並聳下石而上土四面如削莫可攀援惟近北處稍有層級可以梯

辰州府志

卷十七

古蹟考

三十九

登如猿升木上平有水有田逆苗恃以負固

對山城南三十里山頂平坦四周懸崖有數百年黃蓮一株老幹蒼枝陰濃蓋頂

小天星寨其險相若微小耳然雙峰並峙實可觀也

雨明碑在奇峰寺後明時爲文昌閣地碑乃滿太僕朝薦所撰今廢臥修篁中天晴無所見雨則稍明

迴龍菴有蒼松二株植自前明錯節盤根干霄蔽日士多題咏

玉皇閣城南二里高矗雲霄明末張賊犯城燬之康熙時居民每見虎蹲其處跡之不見覓至石隙得一神

像遂復之

文昌閣奇峰山頂明末爲張賊所燬臺基存

按張賊乃無名小寇耳非張獻忠也

石馬西城石上相傳土司所鑿怒鬣揚蹄騰騰欲飛土苗猖獗石馬鳴則城中馬應之得以有備今擊其首不復鳴矣

羊角洞城南三十里天旱聞洞內鼓角聲則雨

古井總兵署中樓下覆以石置梯其上相傳內鎖一羊怪有好事者揭其石一井窅然□索而上盈室綠苔莫窮其端懼而仍下之

辰州府志

卷十七

古廣考

四十

飲虹井城南里餘南華山右每虹起則一頭注於內逼視之綠紅滿山灼灼耀目

甘露泉城東二里泉從石罅中流出承以石盃味甘冽數十人飲之不竭

烏引殿城東北四十里昔羣烏擁香爐於此土人因之造祠祀土神

田氏傳邊錄

升觀亭城東青龍山頂高出雲霄居官者以其名美加葺焉

筆峰城南里許高數十仞雲霧籠罩似與天接遠望之□一柱擎霄



□門南華寺前兩兩對起舊時古幹蒼鬱拂雲撐日  
北灘城北關外亂石盈江劍峰錯立久雨灘響則來日  
必晴

附坊表

本朝

田仁洋妻楊氏貞節坊

邱墓

鎮筭副將福建楊俊墓在門坎□

忠信校尉殉難橫塘朱自植墓在蟠龍凹貴州橫塘有廟

義冢一在西郊一在北郊

辰州府志

卷十七

附坊表

四十一

永綏廳

崇山衛城東郊三里許衛舍街道古蹟宛然卽舊夜郎  
坪地也明太祖爲吳王三年丙午元至正二十六年改夜郎

坪設崇山衛尋省衛置崇山千戶所後仍革

按此乃夜郎坪地耳非古崇山也放驩兜之崇山  
在澧州之永定縣明立衛時借此爲名以入山川  
則誤矣舊志蓋未深考又云宋時置衛或云元末  
置衛年代俱誤明志侯加地曰此衛宜復蓋在苗  
腹之中選世將撫之久自馴若亦控制苗策之得  
者也今制設一廳正與加地之言合

大龍峒城南小龍峒近高崑相距十餘里水從石壁之半開峒而下瀑布千尋真奇觀也合流注於鴉溪梅花井在永綏城中有大泉旁有數小泉羅列如梅花如黃河源之所謂星宿海者其水清其味甘城中之人皆取汲焉

潮水溪郊外西隅山下石澗中有清泉深數十丈或日一潮或數日一潮或日數潮或數月不潮初聞丁丁聲漸急則潮至矣一噴遠數十丈高丈餘溪流大長聲聞里許不移時而平永綏城高入雲霄而有潮可怪也久晴久雨後多見之又西北數十里亦有潮水

辰州府志

卷十七

古蹟考

四十二

溪其潮與此合

荷花池一名洗馬池在衛城內大路之旁辰郡荷花難得而永綏尤高池有紅白二種當盛開時炫爛奪目雨過風來清芬撲鼻

水晶出廳城北門外小者如指長三寸許每塊六七楞如削綠黑者大可數尺

磬石一名化石出小排吾鴨保寨石之方圓袤側不一爲龍爲魚爲麟爲鳳爲荷葉爲敗蕉爲扇爲古磬其聲鏗然有韻加以椎鑿則失聲取眼有一定之所口其所亦無音

天然洞城東八里一名龍孔山又名仙人洞形如巨艦容百餘人有筍高懸小溪盤繞彷彿畫圖冬暖而夏涼太虛勝概也遊人多載酒宴會於此

雙峰城西北五十里層巒疊嶂峭石排雲雙峰如髻所云山上山也有天造地設之奇

花園城北七十里舊爲保靖土司花園有人犁土得銅器九尺餘似爐非爐似鼎非鼎或曰軍中刁斗也

楚

南苗志

周總兵一德摩崖銘雍正八年一德平六里生苗築城吉多坪建竹王廟於潮水溪旁摩崖爲銘曰

辰州府志

卷十七

古蹟考

四十三

九重錫命杖節西來頑苗入化絕域雲開諸苗又於離城七十里之花園汛後山巔仿刻之

附邱墓

義冢一所在南門外地名青陽山東南北三處俱抵水塘爲界西抵教場爲界共計二里七分勒石永爲義冢

辰州府志古蹟考第十七終